

四庫全書

集部

欽定四庫全書

東江家藏集卷十

中集六

明 顧清 撰

北游稿

詩一百三十四首

送史景賢同知考績

甲子二月

君侯北州英淳直自天子青雲二十載安駕何容與竭
來東吳郡已復三刈黍龐統足方展休徵名日舉于焉

朝天行萬里看鳳翥堯門開九重舜目周萬宇才良合
高位疲瘵念慈父舟行望不盡目斷斜陽渚

月桂秋香送劉生還宜春應舉

月桂生月宮一月一開落逢秋氣彌盛芬馥遍寥廓世
人望影空裊裊劉郎自是神仙才兄弟相携月中去正
值秋風花爛開嫦娥玉手親折贈雙枝香滿黃金臺

姚平夫挽詩

完節非今日清心自昔年由來孤竹操不逐豔陽遷旅

殞煩僚友歸裝富簡編尚餘潛德在合並魯男傳

故友人胡以祥為予言先生弱冠寓郡城有夜奔
之者正色諭之曰汝夫出而為此吾家故有妻庸
可爾其人慙而去自此改節先生在江西憲幕以
清謹為諸公所重及卒皆悼以詩二泉邵公為之
誌極其稱許蓋其源本有自來矣而以祥之言人
或未之知也因表而出之

華聽竹挽詩

好在延祥竹秋風日日情幽人不復到虛節為誰清幹
盡名無愧貽謀事有成鄉邦聽輿論合附孝門銘

次韻王用常下第寫懷

漫說龍蟠與蠖伸亨衢何遽不為述才如賈誼寧終斥
美若陳平豈慣貧歧路只於忙裏錯頭顱須識本來真
眼前掬水翻荷地一笑相看剩幾人

掬水翻荷少
同學時事也

近為兒姪輩屈澄夫先生於小園東曙有詩次

韻二首

久知攀弟憶梅兄，又見新篇月露呈。
虛館可能留國士。

舊游端喜襲香名，騷壇此日初申令。
棋社何人敢訂盟。

澄夫棋品甚高

儘有殘膏被來裔，未應飄泊歎浮生。

澄夫和章有此意

安車久不到岩阿，水部無人復姓何。
秋浦白雲天際遠，夕陽紅樹屋邊多。
筆精又展郇公帖，才鈍愁聞郢客歌。
眼底桐枝未盈把，幾時親見十尋過。

初至芸軒宅夜坐聯句

良夜城南舊草堂，十年重繼此燈光。

東曙

文章翰苑聲華

重懶散林泉鬢髮蒼

澄

庭樹看於前日大酒杯偏向故

人長

清

出門翹首梅花月又見天心轉一陽

曙

次高進之韻

讀書思力行挾策幾凝想紛紛事酬對顧影數離像譬
彼早歲棹久矣困俯仰知言何敢云有愧鍾期賞

數日不過東園澄夫先生有月桂詩見示且歸
功於封殖之厚次韻奉答時臘月朔也

看花久不到墻東不道寒叢也自紅培植可能符善頌

故應嘉氣與君同

子南兄弟聯取科名此予所素期而果不繆者
計偕北上酌酒賦詩皆平居游處言語精神
之實不復以文而故人情厚者當自慨然也

短屋疎簾野水邊幾宵燈火共周旋聯飛本擬看三鳳

寄子明
書云云

吉夢先教協兩犍

嘗夢子南子儀衣襴
乘牛並出承天門

遠道風

塵初旅食清朝簪冕是家傳臨歧不盡平生意山海當
年有喻篇

新蔡張孝子以乙丑歲壽七十其子什貳守松
江松人為瀛海奇觀圖以贈為賦長句

海山桃花千歲紅海日下照珠玲瓏諸山卓立金芙蓉
直上正值浮離宮飛霞紫氣流無窮縞衣孤騫背青空
下視六合塵溟濛塵區逼隘鳥觸籠井竈瓮雞紛蠛蠓
劃然翹首駭所逢欲往從之渺難蹤先生七十顏如童
前身乃是浮休翁別來海波幾桑蓬舊游歷歷宛目中
七還九轉非吾功至行自與神明通丹臺我我銀闕重

姓名已隸東皇公他年聽輪許相從還駕此鶴來江東

孝子名某隨其子什貳在官舍見家人市布疑其賤訪之得實什歸跪于庭數之曰汝居官如此吾不能食而

食也明日遂東裝歸

題蕭指揮便面

雲海東南道路長海山雲樹共蒼蒼扁舟何日尋蕭史

一望蓬萊入渺茫

望雲思親圖

白雲飛空往復還行人道上坐長歎親庭偶與雲路值

雲飛寧與人相關梁公去來幾千載撫卷為君增歎慨
天涯望雲傷客心膝前一刻千黃金

往在京師趙君希德有南游之約四月廿五風
雨中忽相見於東樓留兩月別去將由金陵
視其姪錦衣君而歸賦此為贈

極目燕雲望海鴻江樓一笑雨兼風行邊戲語三年約
夢裏清歡兩月同歸棹細穿汀草綠別尊新剝水菱紅
京華南北多親舊為說音書近懶通

杏東

為覓董仙家春山滿杏花朝陽三畝地返照一林霞厚
德初鄉里幽棲幾歲華長生容我問應不在丹砂

松岩

孤松何亭亭孤生岩之阿俯視千仞谿仰瞻鬱嵒我嵒
我不可攀勞心其如何空谷無餘音伐檀有遺歌惟應
負苓子千載重來過

傍鷗亭

江南水鄉多白鷗水神封作煙波侯主人作亭江水上
却傍鷗鳥為鄰州鷗飛有時渡江去小亭終日臨江住
亭分傍鷗鷗傍亭君其問諸忘機生

同年宋良佐巡按得代以書留別賦此寄贈

黃葉柴門憶駐鞍瓜期屈指又秋殘玉尊不及沙頭餞
明月長留海上寒

十載青雲逐後塵冰霜此日見陽春書生別有迂談在
擬託陽關贈故人

百年天下是金甌根柢東南此四州同日震驚非小異
九月十日使君何以慰宸憂

畝稅丁庸自祖宗巧名新意日重重歸班第一章封奏
民力東南久已窮

袪服竒裝巧日增百金財可一縑成葦簾布緣黃純被
時為封章達聖明

上供細布紅者百餘兩
黃紫亦八十兩以下

聖人初政日方升獨立臺端仗老成一道歌謠聽不盡
須知四海望昇平

里生揚和為令尹張侯寫百禽從鳳圖

雲間一峯名鳳凰峯形宛類鳳飛翔鳳飛百鳥爭趨蹌
林巒澗谷皆文章德輝一闕幾千霜空有遺跡留青蒼
賢明令君起番易胸襟五色雲錦香尚書雙履出尚方
雲飛飄然來帝鄉和風甘雨相扶將物無疵癘年穀穰
疲瘞鼓舞歌循良有如鳳凰集高岡百禽從之鳴鏘鏘
乃知往跡未為祥揚生妙手邊與王景昭生綃數幅寫
若水朝陽搶榆喧啾俛復昂菲紅閃翠雜丹黃九苞凝立和

以莊鷹鷂鷓鴣鷓鴣外若矯亢中已降雲中阿閣金
榜長曉日照耀騰金光一飛下視堪輿方舊巢依然朱
拱傍即都歸聖協宮商坐見四海登虞唐聖人南面垂
衣裳一峯回首惟有春雲十里鬱鬱封甘棠

送李原復僉憲嶺南

君昔還家我為客客邸論詩坐連夕酒壺棋局間嘲詼
眼底十年猶歷歷君今為客我留家南雲望望渺天涯
鍾情已懷兒女戀回首况對江梅花梅花的映空碧

君到南中我應北南與北轉睽違梅花心事更誰知歲
寒冰雪金臺下猶可因風寄一枝

味梅圖

羊酪尊羹各有宜崇桃積李漫多姿歲寒一種真滋味
只許龍山處士知

丙寅春胡大聲自桐廬守參政湖藩過松話舊
誦予送通守殷君詩因用韻賦以識別

人物西江第一流八年麾蓋滯東州新恩寵亞三湘鎮

遠道爭迎五兩舟
春宴喜聞京國語
雲帆高望渚宮收
公餘為有江湖思
還采蘋花寄舊游

瞻雲圖

昔年白雲飛親在高堂
思我歸今日白雲飛親在重泉
空泪垂雲飛天邊無定所
到處瞻雲泪如雨重泉冥冥
闕長夜雲光不到泉臺下
如今孝子勿思親應是青天
斷却雲

壽錢玉潤

玉澗水清且深流不息窮古今山頭雨歇百谷聚白虹
一道來沈沈澗傍老人眼雙碧手弄澗泉坐白石泉流
到海幾清淺明年花甲從頭轉釀澗水作春醅采澗芹
薦壽杯沐浴飲食無凶苗此中自可度千歲何必跨鶴
游蓬萊

經鋤別業

昔年幼學帶經鋤萬卷新開壠上居沈浸何妨問晴雨
經綸聊復試苗畝晚風簷隙垂秧馬殘月窻間落蠹魚

莘野彭丘誰近遠詩成轉覺愛吾廬

林塘曉霽

海日初照天蒼涼遠村近村浮淺黃垂楊兩岸不見水
中間一道開天光游蜂蹺蹺高下飛乳燕拂水翻烏衣
老農携鋤放田水平陂簇簇秧鍼肥

五月晦日同汪教授集傅教諭鼎顧東曙戚舜
和劉文瑞俞民威游黃耳祠歸用席間聯句
韻却寄諸公

紅桃夾竹記初來重到槐陰滿綠苔城郭幾番風雨過
山林依舊佛燈開莫論往事催霜鬢且續新吟遑酒杯
壁間有詩譏二陸而民威勸客甚勤最可白雲知我意瞰臨水久徘徊

琴泉

泠泠石上泉
衍衍松下琴
泉流合琴奏
為君寫清心
天風岩際來
舞亂長松陰
舍琴面流泉
風水有餘音
悠然遂忘去
華月上青林

簡華峯教諭乞蓮栽

園亭無竹使人俗
池館無蓮也寂寥
夢入鏡湖當六月
接天青蓋擁紅橈

行人秋早長安去
中夏分蓮不太忙
但有碧筒傳別酒
任他紅裏倚新粧

郡齋三詠次金貳守仲仁韻

文筆峯

典聖寺塔也

高壓重城郡圃東
分明一筆倚青空
雲蒸不作曇花雨

神運遙生月殿風此日育王重錫號向來毛穎謝論功
李藩未試南山判儻可提携入漢宮

水簾

空無海浸雜江氛一片湘簾映楚雲不捲幾年長裊裊
平鋪終日自沄沄康王谷口珠千斛龍女機中線五紋
更愛晚涼新月上玉鉤雙與畫簷分

花幄

亭下闌干曲曲通淺紅深紫鬪暝朦低迷似欲留歌扇

緜麗深疑蠹女工濃漬一番高閣雨生香不斷畫簾風
絕林最愛清晨坐滿耳薨薨聽密翁

郡博汪先生約觀蓮病目不及赴賦此奉謝兼

簡邑博傅先生龍洲負苓二徵士

濯纓亭下水如羅二十年前倚檻歌

前教授魯先生種蓮亭下甚盛

春

服久荒沂上路荷花仍發鏡川波飛觴自笑成孤坐放
棹誰能許再過見說華峯紅十丈有人携酒候煙蘿

池蓮著一花用前韻報諸公約花開就賞

即所乞於

華峯
者

不知風葉展青羅
愁斷南湖水調歌
漢女有情先委佩
洛妃無伴獨凌波
峯頭玉井難為配
畫裏金屏不啻過

少故也
已洗青尊酌芳露
要看文旆倚雲蘿

華峯蓮開用前韻見招奉答

越女紅粧蓋綠羅
薰風長憶扣舷歌
却從五緯聯珠地
蓮栽于泮池其外小池五環之術家謂之五星聚奎
湧出雙峯湛玉波
此日凭闌

增慷慨當年挾冊幾經過
洄淵落木無窮意
敢謂喬松

擇女羅

金仲仁母太孺人壽

翟第初來自粉闈朱幡繼寵又蘭枝中州禮訓嫺鴈珮
南國鮮芳入鼎滋七十再逢添算日三千長記米桃時

賓筵向晚笙歌沸猶恨嫦娥出海遲

八月十八日生

庭鶴再雛送劉太守參政陝西

瑤臺雙白鶴飛來棲我庭棲我庭歲一伏兩雛生一雛
死兩悲鳴松陰宛轉巢復成巢成復引兩雛行丹砂猶

隱頂白雪已垂翎成都未識趙公馬
緱嶺那聞王子笙
成都緱嶺知何處忽報主人留
鶴去主人去去登岩廊
鶴亦雙翎日夜長他年欲覓庭下跡
千仞遙同威鳳翔

拙隱

時方貴巧辯我口訥如壺時方務馳騁我足孿如拘豈
無當世心老此田園居方鑿不受桷直釣難為漁以茲
甘靜退庶以全吾初分井藝黍稷引繩樹松梧蓄酒為賓
燕明燈課兒書此外百無事悠然弄玄珠山水足清晏

園林堪畫圖
逍遙遂百歲
從人嗤守株

頤浩辯公寄萹菜瓜菹有別久不見渴心生塵
之語因以為韻作絕句八首寄謝

三年望東林
幾日又當別
盈盈谷水波
一葦誰共折
溪萹牽紫絲
念子良已久
不在秋風前
不在秋風後
寒瓜削成菹
入眼猶自綠
借問長安兒
此味還知不

澤國有幽人
城中稀復見
曾觀論史書
吾黨有覲面

修郡

志欲私有左右
公極論其不可

龍宮帶明湖倒影疑可掇何當酌清泠一洗塵中渴

祇園數峯碧不易布地金誰續菱谿記為公傳此心有寺

奇石郡守欲購以貽要人公
執不許曰僧貧寺不貧也

公欲空萬有誰哉記三生結習知未斷斯文獨鍾情
長谷水千頃青天月一輪有塵飛不到何處却生塵

臘月一日與文瑞訪定庵于北山別後奉寄

平林回步草堂深二十年前此日心塵土自能迂俗駕
雲山曾不礙幽尋孤標共指中流鎮高詠猶聞正始音

珍重寒江夜深別滿衣星彩動華簪

從北山泛吳淞往蘇州夜泊千墩文瑞出陳司
訓子進所藏吳小仙邯鄲圖索題窮冬遠遊
空江夜話亦人間一夢也為書絕句

風雨官舟蠟炬殘吳淞江上說邯鄲人間到處誰非夢
只有盧生入畫看

江中閣淺次金緩齋韻

浦口停帆換小舟故人家近不須愁竹林隱約分歧路

木廩高低見有秋

路傍有叢竹蕭森可愛從此分道入先生家門內稻積參差僅通行徑

千古心期嗟擊磬百年功業類藏鉤吳江一道看如帶

可是先生志未休

緩齋有三江水學新書

題華文遠所藏五松圖

湖頭看木翠團欒總合丹青畫裏看冠劍昂然五君子
歲寒長得倚闌干

嘉興道中懷昨游有作先寄文瑞仍約訪宗孝

御史

樓船徐度鼓逢逢憶別追游俯碧牕幾日壺觴併殘歲
連宵風雨卧空江雲邊暗數青山九竹裏誰憐白鶴雙

家有二鶴
其一方病

明日城東訪曹植錦袍贏得醉春釭

宿江上
時文瑞

常虞盜
至故云

怡庵先生致政歸喜而有作

壁水江都繼有聲鄉人尤羨此歸榮九重雲裏恩袍爛
三十年前弟子迎松菊喜歡依舊主溪山次第入閒行
夜來光節堂前月更比尋常一倍明

丁卯北行定庵以詩贈次韻奉謝

策名那復敢懷安，却上離亭強笑歡。
三釜正憐蓬戶暖，九重深恐玉樓寒。
還聞與旦陪周主，屢報夔龍補舜官。
北極一星光日盛，知公終夕倚雲看。

定庵用東坡過清虛堂韻重贈奉和

江頭鳧鷖踏晴沙，江岸黃蜂喧早衙。
行人倚棹不忍發，紅旗冒落櫻桃花。
十年京華足鄉夢，麻絰被體方還家。
沈悲結痛無與愬，夜啼愧殺城頭鴉。
紬書有詔不得住。

部符
趣
修實錄

彤管中夜飛金葩憶君戀土腸萬結短髮幾對殘
燈爬明晨復當拜公別何異渴吻思龍茶贈言珍重燦
珠玉不知駑馬空鞭撻端明退居鄉俗美安石不起蒼
生嗟祝公眉壽強飲食慎勿高想凌青霞

姚德夫晚翠詩

共惜春紅好誰看晚翠深
礪邊長鬱鬱霜後獨森森
穠冶非吾事幽貞會此心
山中有園綺垂白更相尋

題陸承祖扇

有後
引

放翁歸日鬢初星幾從琴尊上小亭芳草不知人已去
春來依舊舊自青青

葵誠陸先生罷登州還葺東園為遊適之所予家
食時陪杖屨數矣在京師夢游園中作詩以弔寤
而忘其前二句先生之子承祖送予行因足成之
書其扇以識別承祖其思繼先生之業哉丁卯二
月十日

松南書屋為章先生賦

公瑾之孫

吳松自昔詩書國得似君家亦未多
緗帙牙籤數椽屋
百年相繼住烟蘿

中舍仙游不可招依然舊隱傍江臯
雲初見說多才俊
有日天風起鳳毛

嬰醫王舜規有母服持榮壽堂卷索題書此以

弔

初日杲杲射北堂流輝弄影照明璫
堂前蘭玉芬以芳
青霞織帔鬢有霜含飴映日坐堂隍
海桃實成花又發

蓬萊水清塵污襪啼鳥聲乾山月闕東望銀臺路明滅
天下同心淚成血

別先塋

松杉鬱鬱帶重岡榆柳陰陰繞曲塘曾有至人留寶識

敢期孫子濫朝章

先祖嘗云宣德中有日者至先塋留記曰三十年後當出一讀書子食祿

于朝汝生適應之宜勉學以成其識

人間日月三年速地下泉源百世長

願竭癡頑了公事年年負土上玄堂

孫文博雪溪卷

溪流抱村自幽絕奇絕更著三冬雪玉沙銀浦爛不收
瑤草琪花連夜發主人畫船携酒爐漁舫傍舷來賣魚
借問五更朝路客何如貂袖擁冰鬚

二月朔文瑞天民携酒為予發程泊舟跨塘橋賦此
蘭舟衝雨出江城別魯朝周兩緒紫黃柳萬家愁裏濕
碧雲千里醉時橫更生好學時方蹇宋玉多才賦未成
安得相携便同去五更聯馬聽雞鳴

吳江夜泊寄長兒天彛八首

金瓶梅詞話卷之二十一
第十
飛蓋橋邊月漾沙順流東去即儂家若為得共舟人語
轉過船頭向早霞

高堂雙鬢已如絲此日何堪更遠離寬我百憂惟汝在
莫令思我在家時

高樓朝日啟簾櫳兩叔相望百步中我不在家渠即父
莫令踈遠墜門風

佳兒如玉眼如珠臨別牽衣淚滿裾愛惜護持勤教誨
書香一脉正開渠

鄉鄰自昔有賢愚小忿間言悉棄除惟有自修堪禦侮
親賢戒暴遠讒夫

家人小過莫輕笞渠在渠家亦是兒賞罰有條知痛癢
自然親附不睽離

門戶晨昏慎啟關家庭內外切防閑深更出飲清朝卧
此是人家百弊端

木有根株水有源祖先祠墓合親尊豈徒追報宗彝典
亦要流傳教子孫

楓橋與文瑞天民別兼簡鄉里諸公

重洗紅螺捲翠簾
闔閭城外雨氍毹
青山舊識如東道
畫檝相將類左驂
旅食幾年仍薊北
離懷千種又江南
前途漸遠須分手
更欲留連待酒酣

渡江

朝食大江南
午泊大江北
江流號天塹
我行纔只尺
江路日以遠
客舟何時轉
美人青雲中
望望愁歲晚

過揚州訪吳汝玉見其子某云莽踰年矣一慟賦

此汝玉博學高才尚氣不下物初教公安陞
南安通守未上卒

君墓已宿草我猶思見君相望一江水真隔萬山雲直
誼今誰似高談可再聞阿咸才甚美應足振遺芬

揚州水關作

三過揚州十五年中間日月似流泉平山花竹隋宮柳
又落東風一夢邊

黃家牖閣淺寄呂梁劉水部天祺

呂梁天下險我行今已三旱氣爍汴泗上源日以廉懸
流飛沫不復舊但見兩涯亂石熊虎交巉巖水衝使者
今劉彞人力到處天工回漕網萬艘連夜發談笑對客
仍尊曩官居花竹尤清絕別後夢魂猶髣髴北河連夕
空繫舟悔不為君三日留

君以前路無
水留予再三

皮溝腴閣淺都水曹元孝郎中以書來迓自云
困於沽頭走筆戲簡

五日度兩牖得水如得珠蠖行不數里已復困泥塗升

高望留城

人云其下尤淺

忽得上沽魚，謂言渴聚面。柰此川路

紆陽侯，自云爾。轍鮒當何如？北河非西江。網粟有天厨，附驥尚千里。攀龍矧吾徒，但恐洪流沛。分手復趨趨。

硯瓦溝

魯橋南畔拂塵衣，仰止東山思欲飛。前去宮牆應甚近，硯溝新水墨花肥。

世恩國聲二郎中留飲南旺分司夜以小舟

送抵北牖即事有賦

嚴鼓聲中萬柝喧連檣影裏度歸船綠艫宛轉疑穿巷

時漕舟重泊兩岸予屈曲行其間天黑舡高宛然深巷中也

叢炬傳呼若耀蟬雲海

幾人真契合騷壇五歲此留連

癸亥與二君別

微吟更比拋磚

陋滿握璫璵想嗣篇

安山牒遣悶

泊舟安山下愛此嘉樹陰登厓望河曲連檣矗如林有
隸前致詞茲惟民蠹蟬徵丁動千計索雇贏百金郡小
歲仍儉誅求力難任稱貸倚富室羊羔日浸淫

出白金一兩不

數日取
千錢

情知剝心苦且免肌骨侵日午水滿脾權夫

兀如喑

快船賂不足不行
公私舟並為阻滯

淹留已自困復此傷予心

青天如有知披雲露遙岑排空各獻秀為我清煩襟
塵區自擾擾物外長惜惜安得向此中逍遙委朝簪

安山待暉憇大柳下見蜨娘轉丸及窟穴薶

藏之狀甚悉村童語其故詞甚鄙而近於
人事戲以韻語記之

蜨娘搏土丸其智竟莫測中包實糞穢外裹疑橡栗

後推前復挽園轉何捷疾端如赴嚴程又似銜巧術
趨窪真一瀉過隘亦屢兀中途遇強暴奮鬪幾撐突
其類有奪之者拒鬪甚力歸來不少暇坎土啟藏室既以首為畚

復以股為楸爬沙兼負戴下上幾顛越室成擁丸下
劣隘四無隙周旋巧幹運每動輒有入須臾丸盡隱
謂爾功已畢潛身復旁搜坯壤時髡碗村童惡劇戲
寸筵時一楮室開丸反流驚救走連蹶雙趨共撫抱
有類拱珠礫前功已盡棄餘念猶未歇想其推挽去

行復事鑽穴物生均有智小大理難一蠶絲利萬世
螫網為口實蜂房及蟻塚致用等軒闥爾九獨何為
久念理未徹村童前致詞此實神所誅轉丸輸鬼藏
功滿蛻凡骨飛騰作風蟬清響噦雲月營營苟為此
蛻計誠已劣丸也神所須得無穢明烈物性爾豈知
神姦我能別紛紛詎為信瑣瑣焉足說聊戲答村童
鼓響官舟發

臨清候牖自辰踰未都水閉門而鎮守中人

餞其同官于河下

舟出清源萬馬奔斜陽艤櫂自清晨主人謝客關河閉
慙愧金璫貝帶人

發臨清一日至鄭家口

汶水欲盡衛水來兩水夾舟喧萬雷經旬守牖僮僕困
千里順流心眼開長風颺颺若繩引曲岸宛宛疑天回

月明倚櫂鄭家口夢在谷亭呼酒杯

谷亭牖
住五日

武城縣

城三面臨水甚荒落
而街衢綽楔相望

孤城赤立倚官河，隔水人家亦未多。
怪得連坊表科第，宣尼曾此聽絃歌。

德州倉廳與陳深淵先生夜話

有跋

從來迂濶笑吾儒，果是真儒亦未迂。
邂逅平原話新事，一番惆悵掩殘書。

山東撫臣以禁酒致人自盡事，覺去官屬吏有除

名謫戍者

知府趙廷實等

前代官自賣酒，故有私禁。今無

此令，蓋已收其稅聽民自便矣。無官釀而禁私酤。

是絕物也而限以必行難矣撫臣朱姓時所謂道
學者

楊青驛懷原復僉憲先寄原魯

千里漳河欲盡頭美人曾此駐蘭舟

癸亥春予以憂圖南還原復北上

南暫息雲中羽拱北重瞻海上樓
眉宇幾時消鄙吝江湖到處長離憂
皇華會有嵩呼事先遣雙魚報早秋

直沽即事

漳水東流接海天尋常魚鱉不論錢
橫空一網如雲密

玉食還曾到御前

讀魏武則天事用石樓太史韻

亂來天意長姦雄一語深投月旦公
豈謂三袁盡河北更教諸葛起隆中
烟消赤壁沉雄俊樹冷西陵怨女童
不及人狼祖餘知化牛猶得占江東

阿師留髮拜昭儀絳縷初封不記誰
海內漸看歸聖母榻前空自屬佳兒
天徵烏夢垂雙翼鬼作人妖有四眉
早與文皇作男子乾坤更是一番奇

記夢中句

有跋

張生長安居日聽車音響他年乘斑輪車音想非想

六月十二日夢涯翁草書此絕見惠是夕三兒夢
逐熊得之明日九兒生因名夢熊謂當有成而卒
夭死

考試應天泊龍江和宮諭傅先生韻

山川依舊畫圖開客况多應晚色催孤月近人隨浪湧
落霞如鷺度江來清游幸不疎連壁盛事還聞頌有萊

却傍紫垣占寶氣直從牛斗貫三台

銅鼓行

樓船行銅鼓鳴和以橫笛間丁寧空江深夜天宇澄稀
聲要眇雜鏗吟隱如仙樂度青冥貴人中坐憺無營流
星捷報前幾程徵丁索饋百里驚兒童喜聞銅鼓音不
知銅鼓傷予心

毬杖行

擊毬本戎戲毬杖取南中雲帆下河曲專使董成功此

物本輕細連艘竟何庸
春秋富當宁典學希商宗
蕩心聖有戒傳聞豈雷同
舟行不可問為尔心忡忡

十月朔還至通州雨三日不止

雨滴篷窻浪打舷
聽風聽水不成眠
家人相憶心千里
肯信連宵潞渚邊

得家書報長孫應陽入小學

孫兒生質頗清明
只在收心養性成
看罷平安二更盡
耳邊如聽讀書聲

戊辰子南下第歸為書其扇

橫雲山前小赤壁長記扁舟晚泊來

生族祖北山參政
居山前畫景偶似

山風吹人難久住明年候子黃金臺

憶家園

有序

端午日雨窓獨坐顧前庭草木葱蒨悵然有鄉國
之懷因追記家園卉木花果各賦一詩其間或故
有而今亡或昔無而今有栽培位置歷歷在目前
魚積薪之歎廢興存歿之感略於此具焉存之使

後人觀之無忘其初云爾

石榴

丙申二月移自祖居比他花最先植初止一本今數十幹矣

三十年前手自移眼看一本作千枝翠翹紅萼東墻下
幾為貧交入夢思

五柳

丁酉歲植於屋東水濱今三十二年矣

蒼然五樹積烟霞數里遙看是我家後進只今千百輩
草堂誰識舊生涯

海棠

在石榴之東辛亥死於水嘗為賦詩

潮紅香頰翠襟披
流落頻傷未遇時
廿載斷魂招不得
繫情多賦八篇詩

梅

在榴與海棠之間着花數年嘗有詩令榴在而梅亡久矣

海棠西畔石榴東
的的寒花映晚空
舊跡漸淪忘不得
蒼苔翻恨落英紅

柿

核種數年成陰着子矣暴風折其頂後厄於水遂枯

窻西一陣綠雲濃
眼見萌芽到拂空
成實不教霜後薦

只因多雨更多風

此月十七二兒天叙七日也

杏

甲子春得張氏園園中雜花頗多此其一也花時遠望若錦山實大而美

紅杏初開錦作山別來花實漸闌珊春風似為人離別
還是春風不斷間

牡丹

其一張氏故物其一新栽初僅數朶次年漸盛丁卯凡四十餘

三月東園花壓闌種花人去我來看不須爛漫開千朶
惜取芳根伴歲寒

紫荆

二本皆張氏物

百榦相扶共一根紛紛紅蟻綴枝繁春風不用歌行葦

但遣封培付子孫

銀杏

初為盆景成化壬辰中使取花石張氏僕移栽草叢中得免今在園東南垣外

高數
仞矣

鴨脚當年自一時瓦盆雕砌影毳毳黃封不過頭網使
爭得凌雲百尺姿

櫻桃

舊有二株并子南所遺
凡六本予行時花爛然

花發園亭記別離憶花又過別離時赤瑛盤上筠籠裏
各自傷心各自知

蒲萄

張氏故物京師寓舍亦有之晚涼坐對忽不知南北之遼遠也

高架新梢綠刺簷坐來幽意滿江南不知華月清池上誰共涼陰酌晚酣

李

余山移栽

山崦移來玉一叢竹林深映小桃紅別來消息知何似依舊無言對曉風

竹

蔡廷章宋天民分種乙丑二月也歲中發筍二年而成林

畚土蘊根旋作畦數竿蕭瑟映疎籬綠雲涼月西牕晚

尋我林間舊刻詩

芙蓉

姚直夫分種

兩叢高下映波紅
疎柳池邊落照中
無限江南搖落意
燕山幾日又西風

綠萼梅

得之張景澈
當年着子

不將幢節駐羊家
幾伴西樓坐月斜
零落瑤華應不恨
綠陰青子在窻紗

緋桃

張氏故物穠烈如火園中春時絕
景也後蠹而折今所有乃重發者

一株穠烈破春寒，曾是劉郎刮眼看。今日前身誰復記，
赤霞空煉九還丹。

盆松

俞民威所致園客請加蟠結予
不許將植之東園以極其勢

神龍不畜蹄涔水，威鳳寧棲枳棘叢。試起橐駝論種樹，
此公何得在盆中。

芭蕉

靈苗體性本清虛，風葉猶堪醉裏書。危石幽蘭畫樓畔，
撩人歸思半因渠。

黃楊古云遇閏減寸實不然但極難長耳丁卯此木新芽幾二寸乃知誤事不獨禹

錫嘉話也

人言閏月厄黃楊此語分明太激昂得與婆婆同晚歲
任他蕭艾過人長

紫薇

陸承祖家物

平原宅裏看移根百日高花不負恩
綸閣西頭見新月
分明清影近黃昏

雙桂

丁卯三月種是秋盛開

吳國春深試手栽
燕山秋晚報花開
靈椿老大無材段
奕葉芬芳為爾培

蟠槐

似欲凌空且屈蟠
夾門雙影碧團團
油幢不合書生建
爭得薰風日倚闌

栢屏

屈葉回柯巧蔽虧
畫簷三面碧參差
琉璃隔坐非吾有
冰雪相看正爾期

蓮

縣學洋池分種

華頂虛傳十丈紅，方塘只在小橋東。
天機雲錦應無賴，爛漫西風夕照中。

蔬圃

綠嫩青酣井字畦，柳塘東畔竹林西。
阿兒暴富人應妬，歲晚平添百瓮齏。

稻田

樓前屋西皆是倚闌平立黃雲綠浪舉在目中

儂家世業本耕農，遠客思鄉却自儂。
柳外平時夜來夢

金天口占
卷十
萬行新綠舞薰風

卧病

重雲積九夏永晝恒泔泔溽暑不可耐沈疴復見侵
隱几西窓下悠然懷故林繁紅已結實穠綠正敷陰涼風
振水竹窓闥有餘音欲往川陸阻居然勞我心

病起將朝寄盧宗尹

思君不可見我病君忽來相逢執手問未樂心已開刀
圭入我口晴風掃陰霾病發不我會君來豈予媒乃知

平生交冥契神所該
清秋肺氣蘇
櫛髮臨花臺
行當跨鞍出
鳴佩朝蓬萊
却尋廣成子
一笑空同回
作詩先報君
此報非瑤瑰

魯司成振之將乞終養
夢公服秉笏乘青羊而
馳及命下乃八月乙未
十五日餞於宗易太史
西園即席有贈

夢裏青羊且信疑
今朝南楚定歸期
先生六館人師上
聖代千秋孝理時
朱橘正堪霜後薦
錦衣行見膝前嬉

三公一日誰輕重莫問重來鬢有絲

送劉公勳太學兼簡尊翁聘君文儀進士


海門寒月三江水天闕晴雲五鳳樓別路此時頻目極
兩鄉千里各神游詩書不斷通家好尊酒難澆壯士憂
往見周郎話相憶北風歸思滿滄洲

題公勳水仙扇面

到家花正發別路夢先知月落西湖上何人共賦詩

十一月望月食既歷戌亥子三時乃復

日食又月食兩年三見之
丁卯正月朔日
食十月望月食天心果仁愛
吾道合清夷悵望雲間路
蒼茫夜半時懷君復思土
愁亂不成詩



東江家藏集卷十

欽定四庫全書

集部

東江家藏集卷十二

詳校官監察御史臣龔驂文

中書臣劉源濟覆勘

總校官知縣臣繆琪

校對官編修臣周瓊

謄錄監生臣茹灃

謄錄監生臣王思恭

欽定四庫全書

東江家藏集卷十一

中集七

明 顧清 撰

北游稿

詩一百五十九首

己巳待泮潞渚單氏兩翁以鄉里來會長者八
十二少者七十三皆樸茂淳古類山谷中人
邈其生當宣德正統間得氣之方厚者也為

之感歎適有以畫竹惠者因書其上贈之正
月二十日

手披雙竹寫新詩
往伴高堂兩鬢絲
總是目前稀有物
昇平父老歲寒枝

題畫贈寓館羅翁及單希賢

京華相識半鄉人
潞渚逢君意更親
認取畫中山好處
草堂歸訪故園春

南州鄉里北州身
看畫思鄉總未真
若到練川佳絕處

也應回首潞河春

題菜贈楊翁普能時年七十三斷肉六十年矣
上沃泉甘野水邊烏菘紫芥各紛然主人為爾都忘味
更伴清齋六十年

題菊贈天津張信千戶

先任金山讀書
好禮時號文張

我家老圃金芍藥獨立歲晚凌霜風新圖贈君為君壽
白頭相對即蒼松

田上堠

田上堠堆復堆官新築園若睡貴人賜田連帝畿不封
不築民終以為私上植柳傍作園牛羊不踐雨不頽堠
不頽民不走為君耕為君守但願貴人千萬壽免為他
人作封堠

秋嶼為田廷相郎中賦

水心著山自可畫况是潦盡霜清時使君於此興不淺
絕境使我心先馳蓬萊猶恨弱水遠浮玉更比金焦奇
星槎何日同汗漫歸來重賦游仙詞

重過安山

安山牖下停舟處，舊日風光入眼前。試問阿蜚功滿未，

柳陰旋轉自年年。

蜚，蝦蟆功滿成仙。安山村童語也。

黃家牖南數里地，曠多盜。丁卯北行閣淺三宿，

是日風帆迅疾，家童指示其處為之憮然。

此地曾三宿，重來尚眼明。寒泉高岸下，還似昔時清。

有泉甚清冽。

下邳阻風簡天民

漳河遡流兼遡風汾河貴人不容容清河一日可千里
南風逆浪勢轉雄方舟野宿頓相失憂水憂風過三日
篷牕晚立看風檣過眼鴻毛天一方請公小忍不須悶
待渠定時吾亦進

阻風邳南第七屯百戶王君留宿薄暮風止行
二里餘復作與天民舟相失戲書示風

小住復顛狂泊我空灘外聽汝吾弗嗔汝寧亦知愧

望露筋廟作

荒陂下殘日踈木出古祠伊昔露筋媛明靈此棲遲渺
然葭葦鄉挺此冰玉姿仙骨諒已蜕英風浩無涯想當
野宿日寧與廟食期頽坦不踰肩缺瓦苔參差不知春
秋祀有土能不遺堂堂七尺軀冠帶稱男兒婉婉形勢
途所覲在一資使當生死際寧復顧四維念此欲下拜
風檣浩南馳滄波望不盡目極空煙霏

伐薪

秋霖害我稼卒歲淪洪淵青山富薪槲猛虎當晝眠炊

人屢告罄飢僕怒爭先平生怯懦心蜂蠆等戈鋌會衆
伐金鼓長驅陟其巔我進彼亦退艾夷耆無前方舟雜
捆載浩歌戒言旋陰風海上來白雨如奔川飄零不自
揀狼籍遍原田虎暴厭人肉村墟哭相傳履險指一爨
命隣俛鬼編幸勝天復爾栽培豈其然生人亦已久穢
德熏彼玄鷗鳥啄鸞鳳闢茸乘後賢橫奔不復制伊鬱
誰當宣由來城門火橫及池中鮮巖霜下百草豈擇蘭
與荃沮洳本自處屢空誰尔憐似聞老農說豐穰在明

年行看飲漿酒豈復憂厨煙小忍濟乃大天運有推遷
再拜謝老農買金鷄爾言

十月一日夢抑之得告還鄉賦詩送別寤而記
其首句因足成之

水心亭下木蘭舟昨夜分明賦遠遊消息眼前無可問

滿天風雨獨登樓

時先生調官南都後廿餘日以母憂去計大故正夢時也

顧德章尊人龍川介壽卷

吾宗東吳秀奕葉多俊良矯矯龍川翁早脫名利場歸

來自洪都十年鬢猶蒼以彼文字游放此雲水鄉春風

介眉壽珠玉間笙簧藹藹亭林雲幽幽玉山堂

阿英所居

上

下千載餘聲華蔚相望何當駕扁舟共泛川上光手携
蟠桃枝酌彼崑崙觴再歌行葦篇和以伐木章佳期自
今始矯首希青陽

十一月十一日極寒

十分饑饉十分寒目見傷心耳亦酸袖手茅簷對殘日

此身猶是論思官

是歲秋菜蝕於蟲再種皆凍而槁杭人以舟載鹽菹鬻于市從昔所未有

也

經始方洲田舍有憂其難成者賦此答之

面勢佳而

地卑下用力頗艱憂之者巖潤庵以德也

無食始學稼南村尋老農沙田積雨後沮洳連雲空方

將葺棟宇擁褐歌年豐沿源渡水曲騁望出丘中歲晏

草木盡

諸村林木皆斃為薪

空江來遠風顧影忽自笑葛巾颺飛

蓬平生坎壈身何事非所躬已為後時計况當吾歲窮

情知倚市利遠勝刺繡工所安諒在此違性傷我衷填

海有精衛移山有愚公決策自今始有善吾其從

周文煥致槐栽十二本列植道南美而且巨不

日成陰矣詩以謝之庚午正月望日

水後江村萬木童閒人門巷一時空薰風六月清陰遍
好與周郎賦角弓

蜀江椴木三年大魏國槐陰四海平先遣黃花勸秋駕
老夫還此聽音聲

方洲示役夫

田夫具畚鍤問我功何始我功亦汗漫我屋當素擬前
臨有方洲後枕須曲水相泥以為深因以崇我址虧盈
豈子心一舉成二美行當藝椒蘭且復樹梧梓連村翳
桑麻接畛被糜芑勉梅相予成為尔歌至喜

後屋成遂
名至喜堂

舊歲三月阻風于清河屯田百戶王君致香椿

一本涉淮濟江顛沛數矣而此特無恙每一

顧之心未嘗不在淮北也發春伊始移植朝

陽賦以志感

金史卷之三十一
卷十一
白門斜日阻歸航野老墻頭碧玉長感遇不辭千里別
僑居又是一年強流光荏苒嗟予老行路閒關備爾嘗
淺薄無能繫思憶官途留此作甘棠

題彭君言歸省卷

青衫擬著慰親顏已著青衫卒未閒他日三公真不換
鴛鴦湖上綵舟還

足夢中語

相期不我會天上嫁張碩琅風凝喬雲輪困倚空碧

迎牛于子南

千金買寶劍塵匣空挂壁賣劍買牛耕百口歌足食有
牛無劍古且為之矧劍不往而牛自來水田和輦牛脂
肥日耕十畝不言疲腰間寶缺光陸離逢時還足斬鯨
鯢不然力耕老東菑作詩迎牛屬牛兒此意只可吳郎
知

四月十二日定庵先生過訪誦東坡過清虛堂

詩用韻奉謝

夜窻急雨鳴撒沙晨鼓不辨州官衙村童晏眠蓬戶閉
榆莢一徑交殘花經年不及長者室泥水真作田農家
高軒何自忽戾止豁若暝霧騰金鴉清容穆穆峙霜栢
妙語郁郁飛天葩塵埃塞胸不自理次第一一煩梳爬
盤飧菲惡愧草草幸有杞枿供春茶此時天公亦助喜
列缺捲焰雷停撾騷壇夙昔願奔走世事八九堪咨嗟
酒闌公去倚江閣遙見一鶴冲高霞

陪定庵過北野再用韻

河洲淺水籠銀沙高柳隔岸排晨衙濕雲晴旭互吞吐
時復映空飛雨花人間歲月總能幾三年不到先生家
諸孫迎拜肅有禮別時稚語猶軋鴉不知甘露何日降
親見紫芝團玉葩山林朝市各有適如痛須抑癢須爬
羊羹黿炙豈不美陸羽獨好山中茶惜哉彌衡傲一世
營門乃作漁陽搥先生歸來萬事足耳目所及吁堪嗟
尊前有酒便一笑不用導引吞朝霞

時北野先太史墓
產芝甘露降庭樹

壽萱圖為董徵吉張德馨題

萱草花開北堂鳳翎鵠味參差光采而佩之百憂忘金
章謝庭子徵吉進納得官繡腹王家郎花前拜舞進瑤觴花枝
暖拂春風香酒不盡花益芳重帷深深春晝長更六十
年春未央

四月十八日泖港舟中作

漸喜逢人少扁舟傍野塘綠波侵隱几細雨對分秧潮
長汀蒲短風微岸芷香沙邊雙白鳥來往亦相忘

題愛山卷

好山吾亦愛知子鍾情處鬱鬱橫空雲中有王哀樹

先君

墓在橫
雲山

書陸服周扇用包汝調韻

詩筆縱橫格氣深故人應是漢陂岑秋來白髮知多少
猶自松間抱一琴

五月十四日遣悶

有跋

五月吳天漏三江禹跡蕪閭閻自生死城郭且徵輸窘
蹇醫瘡計蒼茫卒歲儲南陽有召杜異代直堪吁

自四月雨至于是日不止高田皆沒而在位若無
聞舊歲熟田正稅外畝加三斗六升矣至是又議
畝加一斗七升出於縣令而郡中初不知也緣是
得止

雨後文儀欲過小樓閒話詩以速之

買得仙人縮地符三江七澤盡吾區諸公為有登樓興
來看揚州白馬湖

時一望巨浸而諸村樹錯立其間宛然湖中葭葦也

米船歎

禁增價也

秋田生浪甌生苔日望米船江上來聞道城中有新令
米船臨到却翻回

題畫送王貳守入京

行路人人說好官一舟如葉上長安

王守已
甚嚴

君王若問

東南事不似江山畫裏看

鹿門遺隱

襄陽耆德世空傳谷口清風有象賢心識雙橋何日到
青山無數夕陽邊

金方曰... 卷十一
江海收身五十餘青山不改舊園廬人來欲問遺留計
孫子躬畊又讀書

送陳經歷奉表留都兼簡秋闈諸君子

陳君名廣閩人

宦薄身清職事閒每蒙騎馬扣柴關朝來喜色盈眉宇
又向金陵飽看山

山水金陵是昔游海鵬雲鷲正當秋相逢為道長林下
每夕披襟望斗牛

聞宗孝御史復冠帶

旋拂蔥袍整惠文聖朝元不負忠臣赤墀鷓鷯頻回首
次第春風接後塵

雨露冰霜總化工逢干何必羨夔龍向來陳跡浮雲變
看取層崖雪後松

題畫送都指揮袁君歸河間

江海三年擁使旌江風不動海波寧瀛州可是垂綸地
萬里燕然要勒銘

題畫送陳子進教諭貴池

秋浦山川似若耶
廣文官舍列仙家
無因得附星槎便
箕踞長松看九華

題畫送祁通判朝明年正月時宦瑾伏誅海內

拭目以觀新化

雪後蓬萊萬景鮮
綵雲紅日在堯天
江湖不及元正會
遙聽升歌采菽篇

午窓睡起杜以芳持扇索詩走筆書贈

流水灣頭竹半欹
夕陽山外鶴歸遲
幽亭獨坐無窮意

只恐鍾期亦未知

芸屋儲書

青青庭下草芬馥掩椒蘭能令脉望走使我緗帙完鄴侯彼
何人挿駕萬軸攢而我千載餘觸事如面垣孫翁識恨晚
聞風起三歎締構亦已勤畜聚良獨難不知幾年心成此
萬玉山屋下五綵衣萬卷胸中蟠小出已高第遠圖未容
殫春風開壽尊酒綠衣裳斑願以卷中訓永奉膝下歡青
山拂新圖虹光起簷端何當凌七峯一快平生觀

文儀別予赴會試風甚留宿拈韻賦此為贈

錯指長雲恠石尤海天回首是瀛洲
懸輪未會三山駕
文筆先題五鳳樓到手錦標堪一笑
臨歧紅燭且須留
前年六博非空兆有待金羊送綵輶

十二月十八日大雪登樓作寄進之天錫時諸

君方修府志

酸風割耳鬚作虬聞雪強起開西樓
西樓一望幾十里
玉田瑤圃爛不收兩年杭稻化魚鼈
窮計每日占來牟

眼前富貴已如此何苦更作明年愁書生耐冷自常事
北窓清坐端誰留神游不到党家帳意行屢上山陰舟
淮南山海誕莫考吳中溝澮須精求映雪著書堪一笑
却似五月披羊裘

次晚風雪又作用前韻

玉龍飛天從萬虬下與白鳳闕紅樓天人翦水碧雲霄
幻作萬寶無人收晚來疾風振林谷時復亂牛同一年
蔣生扁舟泊河處

時天錫出行水道未返

縱有美酒還堪愁進之

病骨近始蘇旅食豈為魚美留爐灰撥殘紅燭短誰與
再傾雙玉舟一夫夫所是予責二氣迭勝非人謀夜闌
寒甚欲就枕解帶却愧狐重裘

進之天錫舜弼有和章再用韻

凍指握筆如拳虬猶有雪詩來北樓北樓幾日不一到
寒陣未許陽烏收瑤琨鷺羽孰堅脆往往精辯聞龍牟
長安書生四十韻遠喜不救溝中愁頽陰禁體亦何事
雕刻但有空言留憑高極目意頗豁滉漾如駕虛空舟

珠宮玉宇隔人世一暖誰為蒼生謀洛陽盡覆吾亦願
尚恐目前無此裘

和進之壬戌雪中作

冰柱誰家長萬尺世人未見神仙宅崑崙五城樓十二
一一銀山半天白天河倒挂楹棟間下視蓬婆等卷石
東方有士古袁安平生自信千人難閉門僵臥三日雪
早起翻念神仙寒書生未試多濩落此事幾為流俗歎
草堂相對一尊酒龍公水妃互奔走須臾瀾漫天地變

崖塹區區復何有瓦溝何恨太飄忽檜頂何親獨淹久
從來幸不分町畦此日寧須問容受晚來筆凍可柰何
滿庭落葉寒風多嫦娥矯立碧雲裏似欲鬪彩撩清哦
我今有詩亦不作此雪詎堪還更落

辛未元旦試筆

五十看加二浮生事可幾未論前跡繆已覺故人稀把
酒憐青鏡臨風睠素衣漁童江上去拂我舊苔磯

送陸時敏之長沙

有跋

猶記藍袍拂暗塵詩成二十九回春年催綠鬢看俱老
身有青衫不當貧宣室久虛前席地草亭還有著書人
荆吳風物皆相似莫為思鄉詠白蘋

怡庵門下學者甚衆而予與時敏及王君用常最
先進予無似最先忝竊而時敏繼之用常偃蹇紆
遲蓋猶有待也時敏之往長沙也予與用常餞于
東園憶癸卯初春寄時敏韻用以識別俯仰今昔
為之慨然

題杭文錫扇

雜畫松蘿桃
李蓮芝之屬

園實畦芼雜水英墨卿收拾太多情不知煙雨湖頭路
猶有和鹽一味清

題海鶴圖壽陳畏庵太守

二月十四日

合共祥麟侍袞龍回翔暫息海門風蓬山二月羣仙會
又看桃花一度紅

題鄭節之丹崖卷

谷口清風不可攀丹崖千仞白雲間人來欲問長生訣

瑶草春風盡日間

松山

種松傍青山因與青山名山耶不知松松亦兩忘形天
風夜半來共作江濤聲清境不易到新圖空復情千秋
無我棄相携斲仙苓

猛虎三首

猛虎昔當路獵夫遠潛身麒麟在山中左右良已勤一
朝猛虎死彎弓射麒麟

麟也亦有咎但非獵夫知不射亦不免射之寧復辭但恨豺與狼紛紛滿山蹊

射麟麟不嗔射虎虎傷身虎縱不敢射可射寧獨麟射者每如此所以虎欺人

東曙寄詩志局為教甚多次韻奉答蓋各言其志而亦互相發也

舉世紛紛役此生腐儒身後獨矜名可能綺陌金丸子併有箕山潁水清米傳未消陳壽恥醬封須待子雲明

南樓昨夜憑闌望耿耿銀潢帶玉衡

次韻畏庵太守罷郡後作

鶴原接羽憶當年

君弟民懷予同年進士

梓里親耕召父田正好

棠陰看露冕誰令清瑟改朱絃池魚豈識焚城火塞馬

還留偃蓋天莫學君家老仙伯雲臺從此便高眠

君初履任

郡隸有入京者舍於逆瑾黨人家其夕被狀隸踰垣而免衆喧然謂君附匪人求進因以去官不知隸乃致前

守書君無預也

畏庵和章趣成郡志未有三泖九峰遺似屣之

句再疊反騷

憂國尋常願有年，幾番騎馬看湖田。
心勞為縮陽城印，調古誰聆單父絃。
三泖共涵卿士月，九山猶戴使君天。
不應便作江邊屐，已是桑林一歲眠。

故國遺文四百年，消沈已似海東田。
編摩濫把丹青筆，心賞誰分燥濕絃。
緗夾遠封應有日，藜燈深夜敢誣天。
橫雲片玉書堆近，多少英雄地下眠。

畏庵既定四城門，名有詩見示次韻

有跋

使君無復眷吳儂
歸興飄然萬里蓬
臨發匆匆繕城圖
古人元有認真風

昔叔孫所館一日必葺陸抗臨去繕完城圖史冊
嘉之先朝郡守記修府治嘗舉以自况先生不以
罷郡而委廢墜於後人意豈異此因廢妙語用廣
雅懷非敢以為佞也

附原作

北門鎖鑰不關儂
只合煙波理釣篷
去去無端題埵澤

應煩人笑馬牛風

東園餞別太守酒酣劇論至於得失寵辱之際
聽之灑然是夕被酒齒痛不寐輒用蘇長公
過清虛堂韻歌以揚之卒章頌言為將來世

講之張本也

三月廿一日

人間萬事真握沙黃堂作日猶早衙春風留人苦無計
漫天撲路飛楊花楊花飄揚泊何處碧山夢繞先生家
邯鄲已為魯酒誤

事見前年
字韻下注

憂喜更足憑晨鴉東園雨

餘綠滿樹猶有青子粘殘葩
撫時惜別萬感集飄蕭短
髮手屢爬衆賓微酣我輕汗
論功莫計酒與茶花奴羯
鼓不解事落日猛向紅闌撾
盛時會須有代謝末俗正
爾堪吁嗟歸舟安穩足春
夢夢抱玉燕吞流霞

題徂徠山人小景二幅

山頭已自雨霏霏江上美人猶未歸
趣放蘭舟迎接受
免放雲霧濕仙衣

遠山近山玉作堆東村西村梅亂開
王猷興盡已歸去

不道山童沽酒來

題竹六言

北固誰家江岸
丁卯何處溪橋
春盡煙波渺渺
月明風竹蕭蕭

宿天民西莊用丁卯楓橋留別韻

碧玉繞村溪宛轉
青絲拂岸柳毵毵
風光歲晚初停棹
旅宿春深幾並驂

已巳南歸與天民聯舟

真隱底須尋谷口
返招

應與賦淮南銀箏畫燭
通宵燕還似楓橋待酒酣

固齒白玉膏歌為祁通判作

神仙玉膏人不識
煮玉和雲化為液
溪藤均敷藤一色
嗅之馨香捫無跡
羅千有家燒蛟宅
風凌火炊震搖兀
剪而封之還如石
我聞三年索不得
使君一封盈數百
端稜而方長而白
桓圭兩挺瑤琚析
老羅見之三太息
君來何遲使予厄
齟之邊兮齟之側
啟封粲然雲白黑
炎煇以清震凌息
坐令食飲滋甘澤
使君之仁薰兩邑
歌謠已自盈阡陌
我歌玉膏裁舉一玉
兮固齒仁固國

金史卷之八十二
卷十一
我與斯人同壽域玉膏之歌兮歌寧溢

王義士助喪卷為王貳守題

太學資錢囊久竭丹陽麥舟篙榜絕彭城義士古秦豪
青史他年合三傑王侯一生慎許人手卷索詩遙贈君
東南兩歲溝壑滿放筆懷賢空暮雲

壬申正月十九日過北野同南村訪北花園廢

址明日北野有詩仍用清虛堂韻走筆奉答
築隄不擬長安沙鳴鼓已放西曹衙夜游涇南鶴城北

隨處幅巾宜看花花林高下映叢塚池臺舊屬淇水家

衛公武水汲人語
曰淇水流慶錄

當時笙歌沸鄰里只今古樹啼寒鴉

先生讀書洞千古過眼富貴如春葩時人不識競模擬
往往背癢連衣爬消憂滿貯北海酒破悶亦有南山茶
家生小奴解新曲時復羯鼓當軒撾郵筒往復方此始
一侶何止三人嗟詩成揮翰向落日墨光繞筆飛玄霞

為南村題蟠桃圖壽喻守

蟠桃子熟金纍纍參差接到花開時仙山濶遠誰貌得

使君燕寢回春姿海山千里春茫茫東風是處桃花香
使君有意能小待實成亦是三千霜

陳都閫汝玉以思親冊求題久未有以復也二

月君提兵過江賦此為別佇聞捷音把筆以俟
都將牙旗出海門長淮北去淨妖氛平生一掬思親淚
誓與天家策異勳

瑩木青青雨露垂赴君還憶別親時須知列鼎關心句
便是元戎奏凱詩

黃巖有水出天台，下流入海湍悍能敗舟。土人呼為惡溪，艾齋陳君募鄉人築長隄，截而回之。民用無患，是歲與施彥器憲副訪予雲間，賦此為贈。

愚公移山骨成丘，精衛塞海徒懷憂。豈知天台萬壑裏，一夜絕險成安流。築隄回波誰始謀，艾齋老人今白頭。老人頭白何所求，名與此水俱千秋。

彥器以迂逆瑾破家有詩述懷自題曰處困為

書三絕句

天津城下泊歸船回首江湖遂渺然邂逅雲間話疇昔

不知今日是何年

子弘治癸亥
識君於直沽

長歎朱家亦男子閒思劇孟是何人江頭抗手送君別
愁見官亭柳色新

脉脉江流渺渺春北河消息半虛真

時羣盜自山
東流向河南乾坤

大有蓬飛客不用文詞効楚人

招北野諸公看花

杏花初發望君來
望君不來桃又開
花開不向枝頭看
看取北牆紅滿苔

劉時遇行人使占城過松留一宿而別

環王封域海雲連
漢使旌旗日月懸
星象五州占驛騎
魚龍千里避樓船
華堂列炬翻疑夢
紫禁聯鑣又隔年
奇絕勝遊須有賦
併將王會入新編

竹西草堂

鶴城西南瑁湖曲
湖上森森萬竿竹
竹林西畔屋三間

六月清風灑冰玉林間一逕曲當門知君有意求多聞
肩輿他日許直造共倚東窓看綠雲

錫山王應藩工真行書尤善題署予輯郡志為
予留數月將歸賦此贈之

王郎運筆如運帚大字如盤一揮手有時細意寫烏絲
蚊脚蠅頭滿窓牖松江古志新刻成龍宮塔廟俱鐫銘
凌雲巨榜專有待不學韋公白髮生

次韻楊崇周有懷見寄

弘治庚戌進士乞為教
授陞國子監丞進長史

手披紅印啟封題回首龍山落日西別路十年雲幾變
王孫何處草還萋心期掩靄川原隔時節參差土炭低
為馬為龍自君道可能懷寶視羣迷

來詩云雲間天馬
行彌健水底蛇龍

卧轉
低

聞先生竹亭

種竹人何在閒亭故儼然名因王子傳興入武公篇夜
雨涼生坐晴雲綠滿川人來問孫子玉立徧階前

雲西為郭道士賦

金少曰
卷十一
白雲西畔是君家
蕭灑軒窗占物華
我欲時來看修竹
洞門無遣白雲遮

童子東山采藥歸
石橋流水漾斜暉
回頭笑指來時路
滿眼白雲橫翠微

王西園畫鄭節之杏林深處圖

鄭家杏林如董家
王郎筆底騰朝霞
青山周遭屋半隱
中有石鼎煔靈砂
平生活人不計功
年年杏林花實紅
花紅實落又成樹
只恐青山十里無
地容春風林日深

花日密丹砂幾時成令我知消息分君一七與君同升
超凌太虛飛步紫清歸來弭節杏林下還問春風別後
幾度飛紅英

六月廿二日天彝生辰諸親友携酒來賀蓼莪
棠棣並感予懷因書俗語為八絕句示之

三十六年前此日幾多般涉到今辰夜來為汝從頭數
淚落殘燈憶老親

生汝艱迤惜汝深遺蹤歷歷怕追尋苦心自是當年事

汝母當年更苦心

同生兩弟一堪悲更欲相親不可追曾看東園春帖子
春光都在紫荆枝

吾家積德是鎡基致有如今汝合知人誤聽從他自誤
莫將我是學人非

昔年我似汝年時涉歷艱難汝所知人道好人容易做
好人偏足受驅馳

眼前地步放教寬儘著前行後便難我祖分明有先樣

一生曾不用機關

諸君置酒合歡聲一半從前見汝生自古仲尼稱至聖
恂恂鄉黨似無能

失人憔悴得人昌尺寸何須較短長但得好人長作伴
自然門戶有輝光

題孫丹霞小景

拂空翠蓋搖雙桐桐陰裊裊來天風
仙山秋日如春融
琪花瑶草長丰茸道人晏坐侍青童
玉尊縹醴清若空

洪厓有約浮邱公青禽誤集東
皇宮飈輪西來滯瀛蓬
停觴思入虛無中皇覽揆予始
鴻濛五十四載遺塵踪
玄網袖領繫尔宗餘事復到臨
池工良常西麓新宮崇
金書玉刻騰蛟龍幼霞回首玄
卿翁人間天上將無同
蟠桃正熟火棗紅水邊處處黃
花叢青山隱隱雲重重
歸來何時尋赤松

曹定庵壽八十一

九山南下富林莊橫浦斜連八
曲塘長向雲霄目雙鳳

獨餘霜栢峙高岡

公與兄時和相繼登科
有司表其門曰雙進士

詩書盛有諸

孫繼齒髮誰如暮景強
八十春秋重起算
庶成今在水

雲鄉

九日鶴塘莊過黃耳祠次高進之韻六首

平泉何處李家莊
茅屋踈籬也夕陽
三徑就荒吾不恨

紅糕綠醕滿田香

莊上無菊泉皆
笑以為缺事

五畝園池六尺垣
清溪一曲正當門
鶴雛牛犢皆詩料

賸有美談留子孫

進之詩莊頭幾日無人
到黃犢生兒鶴長孫

二陸亭臺昔未荒
幾番重九挿茱房
無人可論當年事
又說江湖與廟堂

漫說新莊類午橋
幾年風雨困飄搖
扁舟此日堪乘興
來逐歸潮去上潮

又向東村訪佛祠
衰容數被野鷗窺
不須更答三人問

沂水風雩竟阿誰

原偈有此外三人更是誰之句蓋小孫隨行也

叢木回岡費討尋
鶴涇回望九臯深
洛陽游子歸何日

碧草春風歲歲心

過錦溪訪曹古松時年九十二以不及再見送
予甚遠為之愴然臨別贈此

錦溪重過老人居

丙午歲
曾到

三十年來一夢餘掃榻又扶

迎客杖揮金曾買教孫書衣冠故國風逾永

君魏公利
用之後

水竹深村畫不如回首孤南光似月未須臨別重嗟呀

送張教授之嘉興

有引

前進士蘄水張君容之程太史正之高弟也自歸
安教華亭士慶得師而君亦樂其風土方卜居焉

而嘉興之命至得鄰之喜惜別之懷交戰于中而言固有不能盡也

樂平門下久知名湖學東來重有情
榎梓旋應充國器
枌榆看已入鄉盟
無端作惡緣
新命便可相期
是耦耕
最喜家書十分便
春波一夕到珠涇

蒲葵扇歌送何朝宗教諭之同安

天生蒲葵作涼箆
野人乍見呼梭葉
柄端出葉葉作摺
裏稜外稜剛鬣鬣
中攢邊展鳳翎接
邊際筠絲壓妥貼

通體天成此人合漢宮紈素出翦裁南陽白羽須編排
丹青組繡却走避三舍紙屏石枕尚覺非全才先生南
海我北海一葉輕涼為誰采翩然乘風致我傍筆几一
時顏色改君今去我向闔關扇亦收藏篋笥問明年把
扇京塵裏相憶千山重萬山

將游佘山先寄北野先輩

時天有
雨意

北山長羨草亭幽有愧山靈欠一游明日扁舟下橫浦
只愁煙雨漫林丘

北野書約東路見候用前韻

蛇頭鳳尾好尋幽我亦西灣占一丘
水墨畫圖三十里不妨分作雨中游

夜聞雪作口占

山水皆言八曲幽何人肯向雪中游
于今便合成嘉話不待他年記某丘

和顧德彰聞居四詠

冬至

憲日誰添一線陰
分明此日見天心
星占紫極先三正
氣始黃鍾冠五音
簪佩曉趨天闕迴
爐香燕坐草堂深
君詩欲併三陽賀
義畫朝來已過臨

頌歷

老大驚看歲月新
天王布德本平均
年占喜屬申連酉
乞漿得酒之訪
統法遙從漢改秦
銜袖幾違當殿拜
披圖共指隔年春
向來光景誰能再
敢復流連負此身

冬暖

流金破肉總鴻鈞十月由來是小春應為幾年陰作沴

故教殘歲物回新

桃李有化

朔南自古殊風氣刑德于時有

屈伸閒客未知調燮事願因和煦幸罷民

已巳水後嚴寒有凍死者

觀物

前推無合後無離並戴圓穹履厚基畢竟誰形復誰色
怪來相迓適相隨短鳧長鶴寧為病秋菊春蘭各一時
試問陽坡兩黃犢還思清廟作純犧

臘月十二日寶善堂上梁書示兒輩

此堂成後屋俱新憶舊看新一愴神總謂承恩緣小子
豈知餘慶自先人愛隆手足延殊姓讓洽家庭及四鄰
先祖與沈氏兄弟同居
至老鄰人侵地不與較此是小年親目見萬金留汝付

兒孫

癸酉正月陸時敏以詩贈行次韻

客途南北幾暄涼又見旗亭柳色黃往事盡隨春物變
離情直與暮雲長人將黼繡輕韋布我視江湖只廟廊
昨夜小齋清夢裏一編還共短檠光

與文瑞天民會散不寐用定庵丁卯贈行韻

豈有謨謀益治安又將離別間交歡
江湖十載頭看白風木中宵夢已寒
病骨可堪仍遠客薄才猶喜是閒官
南村花竹西莊柳何日歸來曳杖看

定庵用壬申壽詩韻贈行敬和

小車不肯駐山莊短棹依然傍野塘
忽聽驪駒歌柳陌似從鳴鳥集梧岡
仙齡九十春猶淺客路三千里更強
何日朝簪能謝却歸來先詣鄭公鄉

除暴行壽子乾太守

有引

二月十七曉夢虎入門甚恐方言于家人而聞府
中得虎已而太守喻侯命吏以肉饋夫虎猛而暴
物其象為盜兵人之所甚惡也猛虎就戮此盜息
民安之象人之所甚樂也除民之所惡以全其所
樂此仁人之事得壽得福之基也越七日為侯生
辰乃作除暴行俾從伶歌以為壽云

五更夢虎方說虎天明饋肉來使府驚喜出門呼問故

府兵殺虎如殺兔星流一矢鏡眸破

典史施某射中一目

電激雙

矛夾心膺咆哮欲起躡兩股錦裯就舁氣猶怒去年海

門妖血腥

狼山事

今年西江猶弄兵

姚源華林

使君四境貼以

寧分明此物來象成有吾梗者殘其形書生方擬趨神
京鄉園回首坦不驚何以報君雙兕觥願君百福仍千
齡保我民物躋昇平春田更賦駟虞行

圖山長甚出孟瀆即見之舟人呼為隨山謂連

綿不斷若隨人上下也阻風泊一夕

青山傍我舟勢若隨人去因之得隨名萬古濱江住我
來潮正落齷齪盡呈露仰攀魚龍窟凜有覆壓懼登高
足力倦望遠關百慮重來復何時記取停舟處

題陸文質雲槎卷

引有

此卷留子齋中久矣北上倥偬携之以行夜泊趙
家村夢雲槎督趣甚急書數行而寤髣髴可想遂
足成之而關河羈旅行雲倦鳥之懷略於此具矣
先生覽之寧無亦悵然矣乎四月十五日

仙人乘槎真有無情窟拭眼開新圖新圖只尺意萬里
雲濤烟浪相縈紆煙雲縈紆望不極中有蘭舟一葉蕩
漾疑憑虛仙翁長髯紫霞裾少年早侍紅雲居紅雲曉
趨誤一蹶三年謫誦軒農書下方天札帝所閱翩然復
此來清都東浮玄洲掠蓬壺西歷翠水經天衢背挽北
斗招黃姑銀潢俯弄明月珠青煙九點嗟塵區梅花爛
漫三江隅平生繆識蘭臺儒結習未斷蚩冷符官舟風
雨夜深卧猶有遠夢來催逋數行一筆尚可想銀鉤間

錯珊瑚株張騫浪語空片石屈子遠遊終舊閭君才豈
必謝時輩十年早已歌歸歟向來汗漫等鴻跡此日逍
遙同澤車升天入地豈異路流行坎止真吾徒君不見
行人倚樵汶河上回首煙江思釣魚

過東昌訪前貳守郝公適公生辰賦此為壽郝
在松職專治水守廉奉公今不易得也四月

二十一日

別駕當年治五茸苞苴無迹稻田豐每從父老歌遺愛

何意軒墀拜下風鶴骨未嫌金帶重

致仕進階

鳳雛還擬碧

霄翀葵花榴萼知人意相及生辰滿眼紅

張虞咨以南京左軍都事滿考乞致仕陞鴻臚

寺丞南歸會于崇武驛託附平安有感書贈

少保清風激懦夫家聲不忝又鴻臚寵光再錫傳弓裏
世味三年染鼎餘南浦風煙增悵望西亭竹樹想扶疎
何由便得從君去免向平安問鯉魚

五月八日書事

紫殿朝回白玉堂常時鷓鴣儼成行愁來隱几西窓下
欲起孫通拜奉堂

涯翁與二汪飲襄陵酒聞清來留一尊見待已
而盡之賦一醉二首清至首以見示敬和

江湖無地著心寬夢裏尊前一笑歡來晚尚餘三日恨
春風只得半醒看

黃閣歸來綠野寬諸生時得奉清歡吳泉晉水皆名勝

正要先生次第看

衆以襄陵為當時第一吳寧庵謂義興家釀可以敵之靳介庵復以鎮江

五加皮為勝衆
論未以為然

涯翁示獨酌二詩序云是日飲松江酒次韻奉

謝

城闕非長往山林是夙期
時開問字酒不賦解嘲詩
綠樹停觴久紅闌點筆遲
奚童斟酌慣深淺自能知

左掖文書靜西亭竹樹幽
幾時能獨醉此日是真休
地遠陶潛社人懷庾亮樓
賞音知有在誰復步兵求

五月廿二日馬上作

新雨長安道行行愛好山美人何處也騎馬又空還

合州訓導丘陵資陽訓導徐泰皆貢自安寧持

原復提學書來臨別各賦一詩為贈泰之先
吾華亭人也

萬里誰傳北海書碧雞山下有雙魚歸裝帶得詩盈卷
不遣空行到石渠

西州文學故鄉人京邑相逢意自親歸見鄴侯煩致語

江湖情事若為伸

原復詩有江湖
不盡情之句

金
卷十一
涯翁六十七歲壽詩

玉堂黃閣四朝班
甲第安車未老閒
名姓兒童傳海外
文章琬琰遍人間
情懸北闕時占歲
家近西城飽看山
自是皇穹壽平格
不煩大藥駐朱顏

賦荆樹同春送顧文明

共愛君家好弟兄
兩株荆樹一庭榮
禮華正似提孩日
扶倚還同急難情
繞砌芝蘭添秀色
並巢烏鵲助歡聲
新詩不為將歸賦
傳與鄉鄰作美評

苦熱行寄傅北潭尚書

苦熱不可耐觸事增煩憂煩憂將奈何
怫鬱汗交流解木坐盤礴四顧靡所投
起步望北潭想見林居幽綠樹交夏
陰清波映浮鱗于焉賦歸來俯仰百慮
休男兒江海心所至希良游軒裳亦何
有庶以平生酬熊掌既我有生魚復焉
求天風日暮起朱光頓然收華月流前
庭碧雲淡西樓且復一尊酒吾道付滄
洲

李太史宗易母恭人邊氏壽七十

太史尊人
孫舊嘗尹上海

夫君東海接棠陰令子西垣早盍簪紀德未慙羣彥後
升堂已是十年心尊中月澹秋容滿誥裏驚回御墨深
向夕後堂歌吹沸錦綉重抱玉森森

時太史得子又得孫

東城夜歸與孚若聯句

城上月初起

孚若

馬頭塵不飛天開萬里碧

清

漏出九門

稀衢路人欲靜

孚若

雲林僧未歸誰知玉京地此夕共清

暉

清

送沈東溪告歸長洲

宦途南北事多違，幾日相逢又送歸。
官好舊坊初視篆，病來新帶總添圍。
天連茂苑三江近，水繞漳河一鴈飛。
莫謂鱸鄉便堪老，禁中朋輩十分稀。

宗易西園會散作

西園日落更留賓，醉別何曾謝主人。
猶憶午風亭上坐，草香花馥似深春。

擬歸

朝出江南耕暮歸，江北休南北十餘里。
往來一葉舟情

金五... 卷十一
欣農畝諧迹與林塘幽田父荷鋤來立語依清溝謂言
今歲占禾麥皆好收內翰能不嫌社鼓樂田頭我本農
圃人迷塗始回輻同心不待召同氣自相求勤苦謝父
老相依願千秋

與李仁仲副使酌別

杏苑留題一字行玉堂收卷亦聯名

君選吉士文甚佳
有警之者遂不預

流雲逝水驚浮世塵榻虛窓又短檠詩律看於前日細
宦情尤覺暮年輕盤江只尺回翔地肯為臨歧白髮生

李太夫人麻氏壽八十

八月二十八日生

高堂秋色避春輝
四坐金緋擁繡帷
寶副六珈明綠翠
錦袍雙鶴動煙霏
青雲並見諸孫貴
黃閣新迎駟馬歸
願學魯人歌燕喜
百齡長得奉音徽

九月十四日趙尔錫西莊泛舟和涯翁韻

勝會復佳辰
溪山汗漫身
誰能百歲健
不放兩眉顰
展席雲當樹
迴舟風起蘋
謝公多逸興
歸榻更留人

重到曾游地
渾疑夢裏身
樹看前日大
眉共一時顰
杖

几分林樾壺觴間渚蘋錦囊歸路遠落日更思人

屢與
微伯

此游

好在鄰莊樹亭亭玉立身獨游無我拒往事復誰顰山
果紅疑椽汀花白是蘋板橋深澗裏應有武陵人

雙節堂為鄭立之參議賦

姑之心冰與清婦之心玉與貞誰知貞玉與清冰兩世
一門雙節并雙節并兩心畢百年祇為三泉日三泉相
見堪一莞葛源之流今日遠君不見州司舉例表門楣

雙節遣孤同一辭

歸善唐汝達嘗侍其先君教華亭京邸相逢
恍如一夢於其赴銅鼓學也賦以贈之

怪底相逢熟姓名春風曾及見趨庭八千里外身如夢
三十年來鬢未星騰有書香留仕版不將塵鞅愧山靈
湘南風月堪娛弄可復懷人到鶴亭

周伯明出按山西有紙屏留師邵御史家嘗借
用之上有二月十九日與曹孚若聯句次韻

栢臺春半氣猶寒，柱史新除舊姓桓。列岳望風奸吏竦，
清尊對雨故交懽。詞華此會真三絕，鄰曲何因忝二難。
周與子居對街盧在子後興到不知貂續醜，月明猶拂素屏看。

送汪器之太史赴南京司業

汪家兄弟皆竒才，聯飛齊上黃金臺。馳聲東觀二十載，
一官不調衆所猜。朝來忽報除書下，却指南雍問官舍。
鴈行分飛心萬結，聊復對牀相慰藉。白樓兄行復情親，
祭酒吳南夫，聚首一堂春日溫。豈徒文字破落莫，直使
抑之同年

風俗還真淳官河水寒冰欲結車輪已駕不可脫試問
功名際會難何似別離情更切江東山水夢游中故人
更思羅與豐九升太常原學諭德因君寄語翻作惡目極江雲千
萬重

哭怡庵先生

手拆鄉書淚滿衣西風落木正離離誰知總角橫經子
便到蒼顏哭寢時兒女有情知眷戀子妻先生女兄子也門牆無
地答恩私馬駝原上青熒石儻許南容贊一辭

陸玉厓訃至

舊宅頻過有所思
耿蘭書到一霑衣
回看別路音塵盡
獨立西風鬢髮稀
不逐青陽媚桃李
獨餘晚節照金緋
九泉二俊如相遇
應恨不同公早歸

十二月朔郊壇候駕作

季冬初吉已條風
聖主嚴禋下法宮
雲覆玉衢陰不動
日昇暘谷暈微紅
十年海宇懷生息
乙夜精誠徹昊穹
詞苑小臣新扈從
幾回翹望五天中

檜亭示和涯翁慈恩寺二詩次韻奉答

慈恩寺前海子頭謝傅錦衣懷昔游
委巷曲街人盡改
石橋斜日水還流
山林本是當時意
霖雨何期此日收
莫唱陽春滿都下
明朝傳入鳳凰樓

寶坊高處鳳城頭
山色湖光引勝游
山作青龍平地起
湖分白練繞城流
觥船屢向松陰瀉
碁局長教月下收
回首車塵紅十里
都人應起望仙樓

陸水村母淑人壽八十

十二月二十日生

甫里仙人姑射姿平湖樓閣自瑤池
簾間繡帔金釵擁
天上斑衣玉帶垂倚戶目隨江路永
稱觴心逐海雲馳
歲寒風格長生信只有梅花最得知

劉參議維信赴廣東索詩未及賦而其子應占
入翰林因以寄賀

使節初傳五嶺秋郎君又報上瀛洲
書香父子賢相繼
文學朝廷寵更優到處江山爭送喜
向來煙雨莫深愁
旬宣益重酬恩地只尺薇垣即鳳樓

鐵柯為劉與清司寇賦

萬牛鼓橐冶不銷萬山積雪凍不凋疾雷動地風倒海
亭亭百尺撐雲霄老夔卻顧走百里鷓鴣螻蛄不敢窟
穴安敢巢鐵之柯誰可擬秋臺老卿古柱史麾之不去
招不來骨力風稜正相似君不見龍之年蛇之祀姦臣
竊柄天下靡天下靡此老挺立風塵裏

除夕諭病齒

五十三脫齒久知非少媚明晨復加五豈復為爾諱爾

家已漂搖爾意獨濡滯去爾非吾情虐我寧爾利爾職
在咀嚼茲事久已廢牽聯兩不忍無乃併為累山石有
時泐天星有時墜矧我露電姿而汝復予寄截肱斯壯
夫戀棧非良驥揮手謝羅千勇決真吾契

浣溪沙

庚午二月廿二日書感時水後疫癘盛行守臣美
遷去部使者方加稅督責甚嚴

陌上風花半欲飛樓頭更著筦絃催傷心自起探斜暉

燕子作雙翻水去蜂兒成陣采香歸園林誰為管芳菲

東江家藏集卷十一